

دائرة مخصوصه

درسمادتده باب على جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنوبه
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطامه كرك سياسى و كرك اجتماعى و مدنى احوال و شئونه اسلاميه و نه بحث ايد و هفته ده بر نشر از انور.

صاحب و مؤسسلرى :

درسمادتده نسخه سى ۵۰ پاره در

ابوالعلا زين العابدين - ح . اشرف اديب

آبونه بدلى

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

تاريخ تأسيسى

۱۰ تموز ۳۲۴

قبرله دن مقوا بورو ايله كوندرييليرسه سنوى
۲۰ غروش فضله آلنير

آلمانیا ، انگلتره ، تورکیه وعالم اسلام

— ۲ —

معلم محرم صورمل ، انگلیزلرک طبیعتلرینی شوسوزلرله خلاصه ایدردی : « انگلیزلر غایت متشبث ، جسور ، منافع مادیلرینه پک دوشسکون ، کبرلی ، سرت و معند آدملردر . » صوکره ، انگلیز سیاستنه کچرک علاوه ایلردی : « انگلیزلرک سیاستلریده ، طبیعتلرینه بکیزر : متشبث ، جرأتکار ، متعظم و عنادجیدر . سن جهیمس حکومتی ، سیاستنده یالکیز . انگلیز منافع مادیاسنی کوزمیر . انگلیز سیاستی بوتون معناسیله برسیاست منفعتدر . انگلیز سیاستی ، انگلیز تجارتنک برباشقه روشده دوامندن عبارتدر . » ذاتاً مناسبات بین الدوله حسیاته هیچ یر یوقدر : بونکله برابر ، انگلیز سیاستی حسیاتدن تماماً معرا اولمقله مشهوردر ... انگلیز سیاستی ، منافع مملکت ایجاب ایتدیریرسه ، الک مقدوح کبی کوریان وسائطه مراجعتدن بیله چکینمز : « انگلیز آنتریکهسی » لسان سیاستنده علم اولمشدر ؛ انگلیز دیپلوماسیسی ، مقصدی اوغرنده فساد جمعیتلرینی بیله قوللانیر ، دیرلر ؛ مثلاً روسیه ایمپراطوری برنجی پاولک قتلنده انگلیز پارماغی بولندیغنی ، ناپولیون بوناپارط رسمی غزته سیله اعلان ایتدیرمشدر . انگلتره نك شرق سیاستی ، سیاست عمومیه سنک بر جزؤیدر . سیاست عمومیه سنده مقصد اصلی ، غایت عظیم صنایع و تجارتنک سربستی وامینتی کایله مدافعه ایلکدر . بونکچون ، اولاً ، صنایع و تجارت عظیمه سنه لابد خام اشیا تدارک ایدوب ، اشیا معموله سنی اشرا ایله جک واسع مستملکله آلد بولندیرر ؛ برده عین مقصدله ، مدنیته جه دون برطاقم مستقل دولتلری نفوذ اقتصادی آلتنده طوتار . - ثانیاً ، اشبو مستملک و دولتلری بریتانیا آطه لرینه ربط ایدن یوللاری ، یعنی دکزلری تحت حکمنده بولندیرمق ، هیچ اومازسه ، اوللری ، انگلیز کمیلرینک سربستی سیرینه مانع هر درلو مهالکدن بری طوتمق ایستر .

انگلتره سیاست شرقیه سنده تورکیه نك مهم بر موقع قرانیه به شلامه سی ، آنجق اون سکزنجی عصر میلادی نهایتلرنده در . اولجه ، انگلتره نك شرقده الک یاقین دوستی ، اوزمانلر معروف بر تعیر ایله « محب طبیعیتی » ، تورکیه نك عدو اکبری اولان روسیه ایدی ؛ چونکه روسیه ، انگلیز معمولات صنایعیه سنه کنیش بر سوروم محلی ، انگلیز مستملکله رینه برکتلی بر حبوبات انباری اولدیغنی کبی هنوز شرقه عائد واسع تصوراتی قوه دن فعله اخراج ایده بیله جک قدر اکتساب قدرت ده ایله مه مشدی . ایکنجی قاترینه ، چارلق تاجی کینجه . ایش پک دکشدی . چاریچه تورکیه یه ایلك هجومیله ، دیوان هایونی ، قاینارجه معاهده مضره سنک عقدینه اجبار ایتمش ایدی . بر قاج سنه صوکره ، قریم ، سلطنت عثمانیه دن قوباریلوب ، متصل جنوبه طوغری آقان روس سیل استیلاسنه قرده کز و بوغازلرده

نتیجه سی اوله رق زراعت محصولاتی پک فنادر : بوندن طولایی زراع بیوک مضایقه لر آلتنده ازیلیورلر . ایشته بو حال و اوضاع دن استفاده ایدرک بر جوق آوروب سرمایه دارانی رلی شیخلر ایله اویوشوب استقرار ، مؤسساتی وجوده کتور مشلدر . زراع شو مؤسساته مراجعت ایدرک آغز فاضلر ایله پاره اقراض ایدیورلر : لکن وقتنده بورجلرینی وفائضی ویره - میورلر . تارالارینی و مزروعاتی صاتمق مجبوریتنده بولیورلر . بوندن بالاستفاده اومؤسسات صاحبلی « کویولر آرسنه ترکیه ده مهاجرین اسلامیه یه چقتلرک ، پاره لر ، حیوانات ویزیلیور » شایه سنی نشر ایدیورلر . ترلاسندن ، مزروعه سنندن ، ثروت و سامانندن محروم ایدمش ، فقیر و سرسری حاله کتورلمش ، وطننده بردها کون کورمیه جکی ، سعادت بولیه جغنی طویمش اولان زراع ایچون شوشایه لر برمدار امید و حیات اوله رق ترکیه یه طوغری روبرای عزیمت اولورلر . ایشته الجزائر مهاجرتنک ناشلیجه سبی ! قفقاسیه ده ، قریمه روسیه نك ، مسلمانلر ایله مسکون بشقه یرلرنده روسیه حکومتی ده شدتی ، دهاقطی وسیله لره مراجعت ایدیور . بورلردن مسلمان اهالی بی بوسکورتک ایچون حکومت الک کوچک ، الک اهمیتسز شیلری بهانه ایدرک الکای ترلاری مسلمانلرک الارندن آلیور . روسیه دن روس مهاجرلری کتیروب مسلمانلردن غصب ایتدیکی یرلرده اسکان ایتدیریور . روس مهاجرلرینی باشندن آشای مساح ایتدیکی حاله قومشولری اولان مسلمانلردن اسلحه بی آلیور . بومناسبتله روسلر دایما مسلمانلر اوزرینه مهاجمه ده ، تجاوزاتده بولیورلر . بالطبع روسلرک ارتکاب ایتدکاری جنایتلر جزاسز قالیور . بالاخره بیقمش ، اوصانمش اهالی مهاجرته مجبور اولیور .

ایشته بوکی وسائل جنایتکارانه ایله یرلردن ، وطنلردن مفارقه مجبور اولان مسلمانلر بالطبع عالم اسلامک مرجع یکانه سی اولان عثمانلیزه طوغری سورونوب کلیورلر .

مع ذلک آوروپالیر بوندن ده استفاده ایتک اسبابی کندیلری طرفندن ترتیب ایدمش مهاجرت اسلامیه ده ، بر وسیله بهتان و افترا آریورلر .

سر آمدان احرار اسلامیه دن اولان دو قنور ناظم پک شومستله حقنده روس رجال دولتدن بر ذات ایله ملاقات ایتدیکی انشاده پک مصیب اولارق بیورمش که : « مسلمانلرک مملک عثمانیه یه طوغری مهاجرت ایتهلرینی ایستیمیورسه کز مسلمانلری کندی مملکتلر کزده ای کچندیریکز ! بولره وطنلری جهنم اولدقجه ، بونلرک جهنم عذابندن قاجهلری و بزم خلافت اسلامیه بی حاوی اولدینمز مناسبتله بوللری قبول و حمایه ایده جکمز پک طبیعی در و کیمسه نك بوکا دار حق شکایتی اوله ماز ، ایشته بر حقیقت که هیچ بر تأویل وسوء تفسیر ایله زائل اوله ماز .

احمد آقاف

آچلمش اولدی . قاترینه نك تورکیه یه ایکنجی صولتی ، تورکاری روم ایلمدن ، بوغازلردن ، آطه لر دکزی سواحلمدن قوغورق ، کهنه بیزانس ایمپراطورلغی مزارندن چیقاروب قولتوغی آلتینده دیریلته رك ، آق دكزك شرق حوضه سنه تماماً حاکم اواق مقصدینه مبنی ایدی . قاترینه نك ، آوستریا حکمداری ایکنجی ژوزفله برابر قوردقلری ، تاریخده « غرق پروژسی » نامیه شهرت آلان بوکنیش و بویوک خیالار ، حقیقه چویریلی ویره جک اولورسه ، انکلیز تجارتک خیلی ایشلک اسکله و بازارلری اولان شرق روس کمرکاریله کلیدلمش اوله جق ودها فنانسی هند یولی ، اطله لر دکزینک گرفت جزایری آراسنده قولایلقله صاقالانوب بوصو قوره بیان روس کیلرینک دائمی تهدیدی آلتینده بولنه جقدی . بونکچوندرکه ایکنجی قاترینه ایله ایکنجی ژوزفک مشترک تعرضلرینه قارشى ، تورکیه یه انک زیاده طرفدار چقان دولترک بریسی انکلتزه اولمشدی . بوندن بویله طبیعی دوستلر بررلرندن آیرلمشلا ، حتی آیرملقله قالمابه رق طبیعی دشمن بیه اولمشلردی . بوسره لرده درکه انکلتزه عوام مجلسی اعضاسندن برذات ، انکلتزه نك روسیه ایله عصرلردنبری دوام ایدن روابط حب وودادینی و بونلرک باغلامش اولدینی منافع متقابله اقتصادی اخطار ایلمه رك حکومتک طوتدینی یکی طرز سیاسته اعتراض ایتش ایدی ده ، باش وکیل بویوک بیت دن تاریخچه مشهور شو جوابی آلمشدی : « روسلر ، بوتون ممالک مفتوحه لرینی محافظه ایتسونلر ، حرکات عسکریه و سیاسیه لرینی سوکمه قدر کتورسونلر ، تورکاری اوروپادن توغسونلر ، بونده بزمنچون هیچ برضرر یوقدر ، دینلر ایله مباحثیه کیرشمه یی بیه فضلہ بولورم . » [بیت بونی ، عوام قارمه نك ۱۵ نیسان ۱۷۹۱ جلده سنده سويلشدر .]

بیتک بوسوزلری ، انکلتزه نك شرق سیاستنده ، تقریباً برعصر مدت ، مرعی الحاکم بردستور اولمشدر . انکلیزلر . اون طقوزنجی عصر دوامنجه ، دولت عثمانیه یی ، شمالدن کلن روس استیلاسنه قارشى مدافعه یه چالیشمشلردر . لیکن اصلا خاطر دن چیقارلمایمدرکه انکلیزلرک استقلال و تمامیت ملکیه عثمانیه یی مدافعه دن مقصد حقیقلری ، هندى ، هند یوانی مخاطرم دن صاقلامق ، تورکیه بازار تجارتی کندیلرینه آچیق بولندیرمقدی . هندستان هر درلو مهالکدن مصون قالمق ایچون ، هند یولی بابالذات انکلیزلرک آندم اولمی ، یاخود انکلیزلرک ایراث ضرر ایدمه یه جک قدر ضعیف بردولتک اداره ونفوذی آلتینده بولنمیدی . تورکیه ، انکلیزلرک فکر نجه تام مطلوبلرینه موافق ، زبون بردولتدی . - ایکنجی بر مقصدلری ایسه سلطانک حائز اولدینی قوه خلافتدن استفاده ایلکدی . اون سکیزنجی عصرده وحتی اون طقوزنجی عصرک ابتدالرنده کلوب کچمش عثمانی پادشاهلرینک ، خلافت قوه معظمه و مقدسه سندن ، سیاسته منتفع اولمق ایسته یوب ایسته سکلری مجهولم ایسه ده ، انکلیزلر هندده ایجه یرلشیر یرلشمز ، خلافت مسأله سنی تدقیقه واوندن نه یولده استفاده ایدمه یه جکلرینی تحرییه قویولدقلری شبهه سزدر . انکلتزه نك استانبول سفیری لی یار ، خارجیه ناظری لورد دربی یه ۱۳ حزیران ۱۸۷۷ تاریخلی یازدینی تحریراتنده ، انکلتزه نك شرق سیاسیتی لدنیاتندن بحث ایدرک شویله

دیوردی : « تورکیه یه یاردیممیزی ایجاب ایدن سیاست ، تورکاره یاخود دینلرینه مجرد برحمت بسلامه مردن نشأت ایتیمور ؛ صرف کندی امنیت و منفعتمز ایچوندر ؛ انک بویوک دولت آدملری طرفدن قبول و تصدیق ایداش اولان بو سیاستی ، اونکله هیچ بر رابطه و مناسبتی بولونمایان وقایع اخیره ، اخلاص ایدمه مز . بوسیاست قسماً ، روسلرک شرقدکی آمال محترمانه لرینه قارشى تورکیه نك بر حائل اولدینی و دین محمدینک رئیس مطاعی سلطانک ، تبعه سی آرمشده میلیونلرجه مسلمانلره مالک انکلتزه یه نافع بلکه الزم بر متفق بولندینی عقیده سنه مستنددر . » دیمک انکلتزه ۱۹ نجی عصر میلادیده امام المسلمینک دوست و متفق ، بلکه مدافع و حامیسی کورینه رك ، میلیونلرجه مسلمان تبعه سنک محبتی جلب ، اطاعتی آمین ایتک ایستور ؛ حتی ، احتمال که ، خلیفه نك او تبعه یه بعض تأثیرات معنویه ده بولنه بیلمه سنی ده بوسه بوتون خارج از امکان بولموردی . بونکچوندرکه بر طرفدن « سلطان - خلیفه » ایله خوش کچمه یه اعتنا ایلرکن ، دیگر طرفدن ، هر درلو احتمالاته قارشى ، تماماً کنندیسنک آدمی اوله جق بر خلیفه یتشدیرمه یه ده چالیشیوردی ...

قوه خلافت ، انکلتزه ایچون هم پک فائده لی ، هم ده غایت ضررلی اوله بیلور مدعش بر سلاحدی . بوسلاحدک صاحبی ، انکلتزه یه دوست ، دها طوغریسی مطیع اولورسه ، اونیده ، سلاحدی ده حسن محافظه ایتک لازمدی ؛ اما اوسلاح انکلتزه علیه نه چوریلک ایسته - نیلورسه ، هر درلو وسائطه بلراجمه ، سلاحدی ده ، حاملی ده محوایلک الزمدی . چونکه اوسلاح انکلتزه نك حیات طمارلرینی کسه بیلوردی . ذاتاً دولت عثمانیه نك روسیه تعرضاتندن حایه و مدافعه اولنمه سی ، هند یوانی محافظه قصدیه دکلیدی ؛ اگر بالذات دولت عثمانیه ، قوه خلافتیه مستنداً ، هندک ، یالکز یولی دکل ، اصل کنندیسنی تهدیده قالدیشورسه ، آرتق دولت عثمانیه نك وجودی ازاله عین فرض اولمش اولمازمیدی ؟ بوجهتله انکلتزه نك تورکیه متفق و مدافعلمکی ، تورکیه نك کنندیسنی اخافه ایدمه یه جک قدر قوتسز قالمه سی و علی الخصوص سلاطین عثمانیه نك صفت خلافتلرینی چو قجه خاطر لاهمه ملری ایله مقید ایدی . انکلتزه ، بعض قابله لرله برابر (مثلاً استانبولی طوبه طوقمه سی ، یونان استقلالله چالیشمه سی) اون طوزنجی عصرده ، تاعثمانی - روس محاربه اخیره سنک فرداسنه قدر ، تورکیه نك تمامیت ملکیه سنی ، سلطانک استقلالانی مدافعه ایتدی . حتی بو اوغرده ، قره دکزه کیلر کوندره رك ، غوبریجه بطاقلقلرینه ، سواستوپول باستیونلری اوکنه عسکر چیقارارق . انکلیز قانی دوکمکدن بیه چکنمیدی . لیکن برلین قونره سندن بر قاج سنه سوکره ، انکلتزه نك بوعصر دیده سیاستدن تماماً آیریلدینی کوریرز :

روم ابلی شرقی بلغارستانه التحاقی اعلان ایلدیکی زمان (۱۸۸۵) ، تمامیت ملکیه عثمانیه یی و بونی متکفل برلین معاهده نامه سنی انک آز مدافعه ایدن انکلتزه اولمشدر . برلین قونره سی اثناسنده ، روسیه بویوک بلغارستانک تشکیله ساعی لیکن ، انکلتزه سلطنت عثمانیه نك تمامیت ملکیه سی اساسی نامنه قارشى کیش و منافع عثمانیه یی جداً مدافعه ایلشدی .

روم ایلی شرقی مسأله سی اوزرینه طویلانان استانبول قونفره را-
نسند ایه ، روس وانکلز سفیرلرینک رولرینی ترامپه ایتدکاری
نظر حیرته چارپیوردی : بوسفر تمامیت ملکیه نك مدافعی روس
سفیری ، بویوک بلغارستان تشکیلک مروجی انکلتره ایلچیسو اولمشدی !
بوندن بویله ، انکلتره سیاست شرقیه سی تورک دوستای اساسندن ،
کیتدجه متزاید برسرعتله آریلور ، اوزاقلاشیر ؛ نهایت بردرجه یه
کلورکه آرتق انکلتره ، دولت عثمانیه تمامیت ملکیه سنک مدافعی
اولق شویله طورسون ، موجودیت عثمانیه نك بیله عدو بی امانیدر...
انکلزسیا-تنک بوشکلی ، بالخاصه «ارمنی وقعه سی» انناسنده وضوح تام یله
تجلی ایدر . ارمنی وقعه مؤسسه سنک عواملندن بریسی دور سابقک
حکومتسزلکی ایه ، دیگر بریسی ده انکلز ائتریقیه سی اولدینی شهاسز
کیدر . (بوباده تفصیلات آلمق ودلائل بولق ایسته یئر ، رونه نیونک
«L'Europe et l'empire ottoman» . نه مراجعت بویورسونلر :
صفحه ۴۱ الی ۵۶) انکلزلر ، وقعه نك حدوشنه چالیشدقن صوکره
وقعه هنکامنده ، عالم نصرانیتک هجانندن بالاستفاده ، دولت عثمانیه یی
تخریبه قالدشمشلدی . ارمنی وقعه سی انناسنده انکلتره نك مقصدی
یالکز خاقان مخلوعی خلم ایتدیرمک دکل ، دولت عثمانیه یی پارچالایوب
حو ایلک ایدی : ۱۸۹۵ سنه سی آغستوسک نهایتده ، انکلتره خارجه
ناظری لورد صولسبه ری ، دوورده ایراد ایلدیکی برنطق طویل سیاسیده ،
عدالت تاریخیه یرینه کلوب ، یاقین زمانده ، تورک ایمپراطورلغنک
یر یوزندن قالته جغنی خبر ویریور و دیوردی که : «صاقین ، بنی جراحلق
ایتمه خواهشکرظن ایتمه یک... بونکله برابر تهله که موجود و بردوامدر .
بر مرکز تعفن وارکه اورادن خسته لق و چوروکلک اوروپانک اعضای
ساله سنده سرایت ایده بیلور .» کرچه صولسبه ری ، نطقلرنده ، الکیزاده
سلطاننه متعرض کی کوریلورسده ، سلطان اونک نظرنده تورکیه نك
تمثالیدر ؛ سوز نطقدن وئائق رسمیه یه انتقال ایتدیکی وقت ، بومهملاک
قالماز ؛ مثلاً صولسبه ری نك ۲۰ تشرین اول ۱۸۹۶ تاریخیله دول معظمیه
طاغتنینی مه موراندومنده عیناً شو سوزلر محرردی : «آرتق آشکار
اولدی که اشبهو بلایای عظیمه ازاله ایدیلز ایه ، اوروپا دولترینک
علو جنبانی ، کندی معاصی و خطیاتیله یی قلمقده اولان بر دولتک
حیاتی ادامه ایلیمه مز .»

ارمنی وقعه سننده ، انکلتره دولتی تهسیدینی ایقاعه یعنی
دولت عثمانیه یی تقسیم و تخریبه مقتدر اوله مادیسه ده ، تورک و مسلمان
دشمنانی سیاستنده ینه اولکی شدتیه دوامده اصرار ایلدی .
بو آتی - تورک ، آتی - مسلمان سیاستک تجلیات مختلفه سی ، مصر ،
ماکیدونیا ، کرید ، عربستان ، عراق و عقبه مسأله لرنده بولوب میدانه
چیقارمق یک قولایدیر . لیکن بزم بوراده مقصدیمز ، انکلتره نك شرق
سیاستنی خطوه بخطوه تعقیب ایتک اولمایوب ، انجق صوک یکریمی اوتوز
سنه ایچنده نه قدر چوق دکشمش اولدینی کوستر مکدن عبارتندی .
بناءً علیه مسائل مذکور ددن بحشه لزوم کورمه یز . بوقدر چک
ایضا حاتندن ده اکلاشمش طن ایدرز که برلین قونفره سنندن اولکی

وصوکره کی انکلز سیاست شرقیه سی ، بربرینک ضد کاملیدر : اوکجه
انکلتره تورکیه نك دوستیدر ، تمامیت ملکیه سنی و سلطاننک استقلالنی
مدافعه یه چالیشیور ؛ صوکره دشمنیدر ، پارچالامیه ، یتیمه یه اوغراشیور .
بونکله برابر ، غربیدر که محررینزدن بعضاری ، حالا انکلتره نك
تورکیه دوستی اولدینی ادعا ایدور و متصل قریم سفیرنی ، ۹۳ محاربه سنی ،
پاریس و برلین قونفره لرینی اوکه سوروب ، اوزماندن بری ، انکلز
سیاستنک اوغرا دینی تحول عظیمدن یخبرمش کی طاورانیورلر اسیاستده
حسیات اولادینی کی غننه ده یوقدر : غننه نك وجودینه اینانیر کی
کورنمک برسیاستدر ، اما حقیقه اینانمق بویوک برغفت اولور .

موسو صورده ۱۸۰ نجی عصرده فرانسه نك سیاستی ، سیسته لره ، سیاسی
غننه لره قاپیلوب نه عظیم خساراته اوغرا دینی ، همان هر درسنده تکراردن
اوصافازدی . بنابرین بزده تکرار ایلر : انکلتره سیاست شرقیه سنک
دساتیر اساسیه سنندن اولان تورک دوستانی ، کندی تعبیرلرنجه تورکیه
حامیلکی ، انجق برلین قونفره سنک فرداسنه قدر کله بیلدی . ناصل که
بویوک بیت ، ۱۸ نجی عصرک نهایتده ، روس انکلز مودت طبعیه سنک
ختامنی بیلدیرمشدی . اویله جه صولسبه ری ده ۱۹ نجی عصرک نهایتده
عثمانی دوستاننک زوالی اعلان ایلدی . لیکن اونودیلاملیدر که بوتون
بوتحولاته رغماً انکلتره سیاست خارجه سنک اساسی ، بر اسقوجیا
غیرایتی کی ثابت و غیر متبدلدر : انکلز دیپلوماسیسی ، صرف وطننک
منفعته ، منفعت مادیه سنه خدمت ایدیور . اگر برکون اولوب ده تورک
دوستانی بواساسه نافع کوریلورسه ، اوزمان انکلتره سیاستی ظاهراً
ینه دوزر ، درلت عثمانیه نك ال یاقین دوستی کیلور ، فقط مدارا و مداهنه
ایله هیچ برشی قرانیلاماز ...

آ . ی .

بز شرقه باقهلم شرقه !

تقریباً ایکی سنه اول وقوع بولان طلب اوزرینه استانبول غرتلرندن
برینه بعض مقالات یازمش ایدم . بونلردن برنده ممالک غربیه یه کلک
اشتیاقنی کوسترن بعض کنجیله بشقه برزمینده اوله رق «بز شرقه باقهلم
شرقه !» دیمش و مشرق اسلامده ، رفاهلی حیات ایلله تبعه شایان اموری
غربیلره بر اقامنی توصیه ده بولنش ایدم . بوتوصیه نك کنجیلردن
ماعتاسنه دخی لزومی کورینه چکنی تخطر ایلهمش ایدم . آوروپانک
تااورته لرینه قدر پای استیلا اوزاتمش اولان اجدادمز بوکون قاقسه لرده
تامنهای غربنه بیلله ظفریاب دخول اولان بونجه احفادک جرأتی
کورسه لر ظن ایدرم همان حجاب مادونیت ایلله قوشوب مزارلرینه
کیرلردی .

یاری اونه اوشوش ، بونه موفقیت ایلاره سی اولان ده کلیور ، اودونج پاره
بولان ده کلیور ، بش اون لیراسنی دهاسیا حنی مدتک نصفندن اول توکتوبده
تلاش خوف ایلله عذاب احتیاجه دوچار اوله بیلله چکلرینه عقللری ایرلرده
کلیور ! کلسونلر ، بویورسونلر ، غربک هرجهتی آچقدردر ، سربستدر ؛